

民國叢書

第一編
· 98 ·
綜合類

季鸞文存

張季鸞著

芸生文存

王芸生著

由統一到抗戰（芸生文存第二集）

王芸生著

上海書店

張季鸞著

季鸞文存
(上)

目錄

國府當局開放言論之表示	一
論提倡氣節廉恥	三
中國文明在那裏？	五
論造成廉潔有能之政府	八
官吏不得經商投機	一一
刷新地方行政之亟務	一三
悼丁佛言先生	一五
人民與政府	一七
約法問題之解決	一九
政治之正軌與常道	二一
中國今後之婦女問題	二三
青年思想的出路	二六
大公報一萬號紀念辭	二八
望人人牢記約法第八條	三三
讀日俄工業參觀記感言	三六
再論日本大陸政策	三九

解原認禍源在宣傳	四二
東北官民之重大責任	四五
日軍占領瀋陽長春營口等處	四七
願日本國民反省	四九
望軍政各方大覺悟	五三
民國二十年國慶辭	五六
馬占山之教忠	五七
國家真到嚴重關頭	六〇
救東三省開僞獨立	六四
行矣第一機	六六
對日須爲整個的行動	六八
艱難危險中一切新創造	七〇
新中國歷史之第一頁	七二
興亡歧路生死關頭	七四
促日本國民急切反省	七七
國聯與各公約之運命	八一
日本之法西斯蒂運動	八四
目前政治上之敵勢	八七

警告政府國民反省	八九
日本大藏總理遇刺	九一
行政院對外宣言	九三
曹衛之策	九六
時局嚴重問題簡單	九八
論國營事業	一〇〇
如何完成西北幹路	一〇三
日本所謂東洋門羅主義	一〇五
中國豈堪被人零割	一〇八
送段芝泉先生南行	一一〇
應於西安新建教育中心	一二二
中日問題之根本討論	一二三
國聯今後之責任	一一六
美國新總統今日就職	一一八
如何應付嚴重的新局面	一二二
日軍竟聲明全綫總攻	一二四
勉駐平政委會諸委員	一二六
應儘先注意西北建設	一二八

學生與政治	一三〇
迎年之辭	一三三
閩變之又一教訓	一三五
備戰中之日本外交	一三七
中日關係之現階段	一四一
再論對日問題	一四四
日本外務省之聲明	一四七
中國最小限度之立場	一五〇
藏本案之大白	一五二
懋藏本	一五五
今後之西北鐵路問題	一五七
關於言論自由	一五九
反日與存華	一六一
中日問題之趨勢	一六四
外交與內政	一六六
對於五全代會之期待	一六九
九一八四週年	一七一
勿自促國家之分裂	一七四

再論學生問題	七七
廓清內憂之亟務	七九
日本之暴力政變	八二
東京兇變之國際觀	八四
王耀惠日內入京	八六
今後之人公報	八九
改善取締新聞之建議	九二
中國青年與日本	九四
消釋內憂之道	九六
粵局解決後之政府責任	九八
救國根本在政治	一〇〇
本報復刊十年紀念之辭	一〇二
民國二十五年國慶紀念之辭	一〇五
哀匪軍	一〇八
綏北大捷之意義	一一〇
中國之前途	一一二
中日交涉之過去現在未來	一一五
國民與國軍	一二七

西安事變之善後	二二〇
再論西安事變	二二三
給西安軍界的公開信	二二五
國民良知的大勝利	二二八
祝歲之辭	二三〇
對西安負責者之最後警告	二三四
陝局解決之第一步	二三七
論言論自由	二三九
勗勗黨國當局	二四二
今後的對日問題	二四四
勉東北軍	二四七
中央與地方	二五〇
統一國論之必要及其方法	二五二
勉東北軍全體官佐	二五五
今後之教育問題	二五七
川康整軍之喜報	二五九
沈鈞儒等一案公判	二六一
對於國事之共同認識	二六三
中日國交之前途	二六六

國府當局開放言論之表示

(天津大公報社評，下開)
(十八年十二月二十九日)

國府主席蔣中正氏前日通電全國報館，望於十九年一月一日起對於黨務政治軍事財政外交司法諸端，以真實之見聞，作翔實之貢獻，其弊病所在，能確見事實職結，非政訐私人者，亦請盡情批評，凡屬嘉言，咸當拜納云云，此國府當局開放言論之誠懇表示，而為政治前途之一種良好趨向，殊可特稱。查黨國對於言論界之過去，多少有承襲蘇聯式或法西式理論之趨勢，將完全置全國言論界於黨部指導管理之下，而絕對統一之。其所謂統一，非僅言論已也，紀事亦然，故其理想的境界，為全國報紙言論一律，紀事亦一律，當局謂黑，則俱黑之，謂白則俱白之，其是否者是否之，是此種制度下之報紙，其職責乃完全為當局作政策之宣傳，不復含自由宣達民隱之意也。此種制度，今日蘇聯與義大利行之，其政府為強固而有能之專制機關，不許本黨以外人民有反對政府政策者之存在，蘇聯至禁止共產黨員私人經營報紙，義大利則新聞記者皆須受法西斯蒂黨之考試，須有文憑，方可執筆，其嚴厲如此。夫俄義此種政策，亦未嘗不暫時收整齊畫一之效，然視國者實為之危。蓋如此有兩大流弊焉，其一，宣傳過於統一嚴整之結果，人民神經久而麻痺，反使宣傳失效，其二，報紙專為政府作宣傳機關之結果，全國言論界單調化，平凡化，根本上使人民失讀報之興味，最後足使報紙失其信用。由前者言，政府之不利也，由後者言，報紙之不利也，可謂兩失之矣。抑施行此種政策之國家，若其政府強固而有能，常以雷霆萬鈞之力量，行大刀闊斧之改革，官吏清廉，軍權統一

，法出必守，令出必行，人民一方懾於其威，一方則囑望於其行政。縱然緘口，猶可暫安，俄義之事大抵如是。若夫既鉗制民口，而政府本身尚未臻鞏固，施政亦尚未收效果，那人民僅受獨裁之不便，而不得專政之利益，初則怨望，寢假而憤怒，而爆發矣，此誠至危之道也。國府當局自北伐興師至今，爲時四年，其間多在軍事時期，夫戰爭，危事也，在存亡呼吸之間，一切政論，皆須擱置，先顧軍事利益，是以當局過去之新聞政策，以常理言，固不合，以環境言，則亦有不可概加責備者在。不過黨國既早已捨棄蘇聯式理論，且政府本身猶未鞏固，行政效能，猶未著顯，此後正需要各界人民援護之時，則獎勵言論自由愈早，所減除社會危機愈多，故於黨國利益愈大。蔣氏此次通電，實平言之，蓋深知其中得失者也。吾人愛國家愛自由者，焉得不對蔣氏此電，表深切之同情哉。

附錄蔣主席勸電

大公报並轉全國各報館均鑒，自國民革命軍統一全國，中央求治至急，人民望治尤殷。大之欲躋中國於自由平等之域，小之求使民衆咸得安居樂業。格於環境，變故迭起，訓政既已開始，軍事猶難結束，雖爲革命進程中必經之階段，而身受黨國付託之重，不能爲人民早日解除痛苦，內疚神明，外慚清議，固不忍稍自暇逸，更何敢閉塞聰明。歲月易逝，民國十八歲將終，欲收除舊佈新之效，宜宏集思廣益之規。各報館爲正當言論機關，卽真實民意之表現，於國事宜具灼見，應抒謠言，

凡黨務，政治，軍事，財政，外交，司法諸端，均望於十九年一月一日起，以真確之見聞，作翔實之貢獻，其弊病所在，能確見事實癥結，非攻訐私人者，亦請盡情批評，並將關於上述各項之言論及紀事，務希同時交郵寄下，凡屬嘉言，咸當拜納，非僅中正賴以寡尤，黨國前途亦與有幸焉。蔣中正勸印。

論提倡氣節廉恥（十九年一月七日）

國府主席蔣君於元旦日有文，極論提倡氣節廉恥之必要。中謂「尤可慮者，人心頹墮，世風澆漓，以投機取巧爲智，以好亂反覆爲勇，氣節墜地，廉恥道喪」，「則爲禍之烈，百千倍於人以武力與經濟之亡我」，又云，「黨有健全之革命人格，則黨爲國人所信仰，失健全的革命人格，則黨爲國人所厭棄，黨員而盡爲有氣節廉恥之黨員，則黨必健全，黨員而爲蕩檢離閑之黨員，則黨必頹亡」，蔣氏此文蓋必深有所感，故慨乎言之如此，其主旨吾人誠無異詞矣，茲所欲論者，提倡氣節廉恥之有效的方法何在耳。

人類之最大多數，常人也，上智與下愚，皆罕見焉。常人性質，視其所染，染於白斯白，染於黑斯黑，又常人之道德觀，與其生活有密切關係，易言之，乃大部分受支配於利害觀念，有氣節廉恥而安而榮，斯羣趨之矣，反之，崇尚氣節廉恥之人，而危而辱而困窮，無恥之徒反得志於當世焉，則多數常人，復誰願棄安榮而就危辱，以戀戀於道德之說哉。是以國民一代之道德如何：本爲一種風氣問題，然而有別焉，使提倡風氣者，僅爲在野一部分學者之流，而實際政治之趨向與之相反，則有氣節廉恥者，僅能得少

數人，如漢之黨錮，明之東林是，彼時多數之人，仍因生活上之利害，而相染而入於無氣節無廉恥之途，故雖有卓出之道德家，無救於國之亡，此亂世之現象也。反之提倡風氣者即統治者之本身，以政治上之賞罰，獎勵道德，政府領袖復身爲之倡導，則一般中材之人皆自然化之，不必特提倡氣節廉恥，而通國人民自無喪節亡恥者矣，此治世之政軌也。夫上古之世，不可深攷，自有明確之歷史以來，中國實未見昇平之治世，最上者不過數十年之小康，我民族生活過程之大半，皆消耗於腐敗凌雜的亂世之中，故亡國慘禍，至有兩次，中原文物爲異族蹂躪者，亘千餘年。迨至近世，政治道德日愈淪亡，而高度文化的外患，適大舉而至，亡種之禍，真迫於目前，於是少數有志之士始毅然決然提倡政治革命，願以鮮血洗滌污穢，以灌注新生命於民族血管裏，辛亥革命之義即在此，然不幸又紛紜十數年，政治腐敗愈甚，然後不得已又有十五年以來革命之戰。夫近年之政治的流血，其最要之義，要之仍爲洗滌污穢，蓋將自腐敗者之手中，奪回國家政權，使有所謂革命人格者執掌之，以正義化全國，而實現政治與道德一致之治世，彼幾許熱烈青年之勇敢犧牲與通國稍有知識者之一致謳歌擁戴者，甯非爲爭此一點哉。抑氣節廉恥，消極的方面也，革命人格所需要之道德，實不止此，蓋須積極有所爲，不止消極有所守。不過氣節廉恥，爲政治道德之最初義，有此而後可以談積極的奮鬥！是以過去之革命犧牲，原爲道德上求民族之新生命，而氣節廉恥，僅消極方面之最初義。然而以數十萬頭顱數百兆財富換來革命政權二年之後，而道德淪亡之嘆聲，竟發諸政府當局之口，而入於一般國民之耳，此誠堪詫痛不置者矣。夫蔣氏之言，必非無病之呻吟，大抵

感之甚切、痛之甚久，始爲文以痛言之。是以吾人之感想，第一，認識現在氣節廉恥淪亡之不幸的事實，第二，主張從速糾正，然其道無他，仍首須政府當局已身負責，一面檢點己身，作新風氣之模範，一面以公平之賞罰，澈底澄清軍政界，此始爲提倡道德之有效的方法，現在狀況，政界固不堪，軍界殆尤甚，且時局遞演之結果，權力中心，皆集中於軍，今人民已不知有黨權政權，而唯見有軍權，社會所注意，報紙所記載，世界所研究，政府所籌畫者，皆爲關於若干軍人之事，此情形已彷彿北洋統制時代之舊觀，絕非三民主義訓政下應有之現象，而軍人風氣，慾望大而責任觀念小，滔滔橫流，怪狀畢露，此而不澄清，而徒向一般居於劣弱地位者，教以崇尚氣節廉恥之必要，其誰聽之。革命原爲滌蕩污穢，而革命工具自身復污穢焉，似此循環，最後必底於大亂亡國而後已，是以澄清軍政界，乃維持革命政權之死活問題，吾信有新鮮血液之民族力必能辦之，現在當局能負責最善，否則國民終必自爲之，因不然則亡國，一如蔣氏所言，此則國民所必不能忍也。誰能以公忠體國之精神，領袖全國，而爲此大澄清之運動，使氣節廉恥之義，自然成爲政軌，則國民定將爲其後援矣，吾敢信全國良民，皆抱此同一之感想也。

中國文明在那裏？

（十九年十一月二日）

中國政治爲都會政治，一切主義政策，皆都會之主義政策，而政治家實業家學者等所經營畫研究思索，舉不出於都會，其持以判斷事物，鍛鍊思想者，要以都會生活爲

其背景，至於全國數百萬方里中百分之九十以上大多數同胞之真正生活狀態如何，則大抵茫然無所感知，易言之，中國之政治家實業家學者等並不知中國事，不理解中國人生活，與大多數同胞精神上並無接觸是也，此殆中國改革多年失敗之根本，亦都會政治家實業家學者等精神墮落淪為寄生害蟲之由來，本社久鑒及此，近乘時局略定，亟欲紹介大多數同胞生活之具體狀況於全國都會政治家實業家學者等之前，將以掘發其良知，速為同胞人民解痛苦，謀福利，且使其自己改正人生觀，恍然於都會奢侈享樂生活之為罪，本此旨趣，爰派旅行通信員，第一步先調查河北各縣民生狀況，其報告書近日已開始披露，吾人願全國讀者諸君俱審讀之，並熟思之，並顧問全國讀者諸君，對於此荒蕪頹廢的祖國河山，窮苦蒙昧的同胞大眾，是否動悲憫，感恥辱，生責任之心，發救濟之願，使其然也，則凡因環境偶然之便利，得財產，受教育，享現代文化，或進一步因緣時會，得握政權軍權財權文化權而居支配地位者，其自修也，宜如何謹嚴，其為民謀也，宜如何忠實，玩政弄兵之罪如何重大，聚斂浪費之害如何深刻，將俱恍然自明，而知所努力焉矣。本社近日第一步調查者，只冀南各縣，冀南非戰地，非災區，論歷史開化最早，論現在猶屬小康，然吾人披讀本報通信員之所報告，則彷彿已到世外之蠻鄉，或恍如置身上古之亂世。夫以中原文明之民，而羣迷信歸依於所謂紅槍會，白槍會，黃槍會，黑槍會，綠槍會，花槍會，孝衣會，孝帽子會，籃子會，九公會，八卦會，真武會，所事維何，則從所謂傳法師或代傳師者，讀老本咒，止血咒，更學所謂分身法，土遁法。止血分身土遁，皆不可能者，而羣求之，一縣之內，在此等會者，竟占全人口之半

，然此猶不足異也。此外更有所謂邪門教，盛行於豫北冀南，其教以秘密行之，其組織有帝皇正宮西宮之稱，其等級有尙書侍郎狀元榜眼等之設，其人着紅襯衣，黃臂章，其教義不詳焉。然既稱邪門，則足知其邪之甚也。雖然，吾儕萬勿笑此輩同胞大衆之愚也，蓋其迷信神權，乃出於不得已及無聊賴，非其果愚也。誠以人類本能，首欲求生，然近年政況，則民不能保其生，試觀股匪遍地，劫擄時間，人民無所呼籲，舍求神外，尙有何策？而匪亦民也，其爲匪，苛政使之。蓋如通信員報告所述，爲匪尙可暫求生存，且可身免綁架，故強梁而不樂坐以待斃者，則趨於匪，各種槍會也，匪也，民團也，其本質一耳，皆爲生存掙扎之可憐蟲耳。抑人類慾望，不僅求生，且須有以樂其生，然中國人民則全無樂趣，終年勞動，而不得衣食住之滿足，苛捐雜稅，復刻刻剝削之，生趣枯竭，達於極點，是以最下等之刺激性的娛樂，反橫行於鄉間，海洛因之劇毒，遂化爲紅綠黃灰白五色金丹，以吸耗人民精髓，而士娼跋扈，梅毒流行，亦遂爲鄉間特色焉。吾人單觀冀南數縣調查報告，實已不勝文明衰亡之痛，蓋冀南在全國中猶爲較完好無事之區，而其窮且亂如此。人民失教如此，社會風俗之蒙昧退步如此，然則戰區更何如，長江其禍西北奇災之地又何如，吾人敢大聲疾呼於政治家實業家學者等之前曰，中國文明在那裏？主義政策在那裏？凡都會居住之有支配權者，反躬自省，對同胞大衆曾扶助否，曾教導否，讓一步，曾不加剝削摧殘否，且政治上社會上之浪費，對於生產者之農民生活影響若何，苛捐雜稅，購械增兵，於精神上物質上貽害人民之程度若何，再退一步自省，都會人之思想行動，生活樣式，其去同胞大衆者若何之遠，對於改革及建設之

努力若何之微，苟有天良，當可知恥而發奮矣。現代政治家實業家學者等，其以爲何如也。

論造成廉潔有能之政府（十九年十一月十四日）

前日國府總理誕辰紀念會，蔣主席致開會詞，「願在此軍事結束以後，大家共同一致，下一極大決心，要造成廉潔政府」，戴傳賢氏繼補充其說，謂「須造成一有能力之政府，使有能力之人才胥爲有能力之政府而努力」，最後副司令張學良氏演說，「總理事業，爲國爲民，非自私自利，願各位遵照總理所爲，然後自然有廉潔政府」。

廉潔而有能之政府，誠一般國民熱望實現之政府，此說也，本報論之屢矣，茲者軍事結束，國府當局表示造成廉潔有能的政府之決心，國民聞之，必極快慰，吾人並願論其造成之方法，以爲當局勉焉。吾人以爲欲期廉潔有能的政府之實現，須實行下列諸義：第一，黨員爲常人模範，政府高官復爲黨員模範，故廉潔之義，須自高級官吏以身作則做起。夫吾人非敢謂政府當局之不廉不潔也，然觀近年情況，似乎提倡廉潔之義尙行之不力，或感之不切，而廉潔之前提，又在厲行簡易清淨之生活。據吾人所知，如胡院長漢民，生活簡單，二十年如一日，此不必標榜廉潔，斷無人疑其貪污，何也，持己謹嚴，則自然廉自然潔故也，凡現在服務黨國之高級人員，大抵皆昔年窮苦之革命黨，廉潔之說，根本上應無問題，然而蔣主席演說，方諄諄於造成廉潔政府，則可知政界之澄清，實際上感覺需要。吾嘗推論原因，大抵政權所在，腐化隨之，窮苦革命黨，一旦在

朝，逢迎阿諛者滿左右，生活起居，頓時改常，而黃浦繁華，咫尺在望，久經濡染，則覺現代式享樂生涯，畢竟優於奔走革命時代之寒酸，習慣既成，遂流連而忘返，然以現在之生活程度，薪俸所入，豈足周旋，誘惑之來，復無孔不入。於是不廉不潔者爲常行，而廉潔者反成異事矣。政界大勢，不其然哉。是以欲造成廉潔政府之第一前提，應由政府諸當局俱提倡簡易生活，以身作範，以新風氣感化政界全體，使官吏感覺驕奢爲可恥，猶有不足，則以法律繩之，如蔣氏月前爲某案所談「懲治貪污須自黨員始」之言，其用意卽甚是，然應補充其詞，爲「懲治貪污並須自高級官吏始」。導之以德，而齊之以刑，一二年間，風氣丕變矣，此一義也。其次，民國以來，凡法律皆嚴於文人，而寬於武將，槍愈多則愈寬，享盡一切權利，而免盡一切糾彈，卽向來論廉潔者，亦只責文官而不及武將，實則文官貪污，不過賄賂差缺，或侵蝕公款，能此者只少數人，而數額亦有限，武將不然，一高級將帥，經手軍費，每月動以百萬十萬計，支出如何，向無人過問，普通狀況，軍費及於中下級軍官及兵士者，不過一部分耳。且各省政權，實際上總攬於軍人之手，財政之支配亦歸之，故軍閥生涯，乃既貴且富而在法律管轄以外者，廉潔云云，去題遠矣。近年軍權歸於黨國，新起軍官之智識志趣，皆遠優於舊派，然因戰事迭興，政局未定，政府日需要軍人拚命，故關於風紀及私人生活之事，一切無暇糾正，試以文武官吏比較論之，則高級軍官之驕奢淫佚遠過於文吏，更過於作政治黨務工作之黨員，然文吏貪污，尙有人罵，黨員不潔，尙有人評，若夫高級武裝同志之豪奢放蕩，漁色狂賭，則幾乎反視作當然，孰敢問之，此種情形，蓋不待繁言而明者也。夫戰